



መልክኦ : አ.ያቄም :

ወሐና :

አ/ አ/ ፲፱፻፺፩ : ዓ/ ም/

ተስፋ ገብረ ሥላሴ ዘብሔረ ቡልጋ ።

ለመላው : ዓለም : ምዕመናን : የዘለ
ዓለም : የሕይወት : ምግብ : እዘጋጅና :
እስፋፋይ ።

በተስፋ : ማተሚያ : ቤት : ታተመ ።

መንፈሳዊ፡ ምክር ።

« ኃጢአት ፡ በሚሞተው ፡
ሰውነታችሁ ፡ ላይ ፡ ሥልጣን
እንዲኖረውና ፡ ለሥጋ ምቹት
ተገዥ ፡ እንዲያደርጋችሁ ፡ አት
ፍቀዱለት ፤ » ሮሜ ፡ ፮ ፡ ፲፪ ።
ስለዚህ ፡ ከሚመጣው ፡ ክፉ ፡
ነገር ፡ ሁሉ ፡ ለማምለጥ ፡
ኃይል ፡ እንዲኖራችሁና ፡
በሰው ፡ ልጅ ፡ ፊትም ፡ መቆም
እንድትችሉ ፡ ዘወትር ፡ በዚህ
መጽሐፈ ፡ ጸሎት ፡ ለመጸለይ
ትጉ ። ሉቃ ፡ ፳፩ ፡ ፴፯ ።



መልክአ ፡ አ.ያቄም ፡

ወሐና ፡

አ/ አ/ ፲፱፻፺፩ ፡ ዓ/ ም/

ተስፋ ገብረ ሥላሴ ዘብሔረ ሉቃ ።
ለመላው ፡ ዓለም ፡ ምዕመናን ፡ የዘለ
ዓለም ፡ የሕይወት ፡ ምግብ ፡ አዘጋጅና ፡
አከፋፋይ ።

በተስፋ ፡ ማተሚያ ፡ ቤት ፡ ታተመ ።

መንፈሳዊ ፡ ምክር ።

« ኃጢአት ፡ በሚሞተው ፡
ሰውነታችሁ ፡ ላይ ፡ ሥልጣን
እንዲኖረውና ፡ ለሥጋ ምቹት
ተገዥ ፡ እንዲያደርጋችሁ ፡ አት
ፍቀዱለት ፤ » ሮሜ ፡ ፮ ፡ ፲፪ ።
ሰለዘህ ፡ ከሚመጣው ፡ ክፉ ፡
ነገር ፡ ሁሉ ፡ ለማምለጥ ፡
ኃይል ፡ እንዲኖራችሁና ፡
በሰው ፡ ልጅ ፡ ፊትም ፡ መቆም
እንድትችሉ ፡ ዘወትር ፡ በዚህ
መጽሐፈ ፡ ጸሎት ፡ ለመጸለይ
ትጉ ። ሉቃ ፡ ፳፩ ፡ ፴፮ ።



በሰሙ ፡ አብ ፡ ወወልድ ፡ ወመንፈስ ፡
ቅዱስ ፡ ሕይወት ፡ አምላክ ፡ መራኅተ ፡ ዙሉ
አእምሮ ። እዌጥን ፡ መዝሙረ ፡ ለመልክ
አቲክሙ ፡ በአኅብሮ ። **ኢያቄም ፡ ወሐና ፡**
አንቅዕተ ፡ ሰላም ፡ ወተፋቅሮ ። ከመ ፡
ትምህሩኒ ፡ ለመዝሙረ ፡ ማኅሌት ፡ ምሥ
ጢሮ ። ንሥኡ ፡ መዝሙረ ፡ ወሀቡ ፡ ከበሮ ።
ሰላም ፡ ሰላም ፡ ለለአስማቲክሙ ፡ በደርግ
እስመ ፡ ኅቡራን ፡ አንትሙ ፡ ወዕሡራን ፡
በሕግ ። **ኢያቄም ፡ ወሐና ፡** ምሉዓን ፡ ሰብ
ሐት ፡ አፍላግ ። እስመ ፡ ተጽሕፈ ፡ አስ
ማቲክሙ ፡ በፍጻሜ ፡ ዙሉ ፡ መዓርግ ።
መልዕልተ ፡ ስሞሙ ፡ ለሠለስቱ ፡ የዋሃን ፡
አእሩግ ። **ሰላም ፡** ለሰእርተ ፡ ርእሰክሙ ፡
ዘኢይትዌሰን ፡ በፍቅዱ ። አርአያ ፡ ኮከብ ፡
ብዙኅ ፡ ውኆፃ ፡ ባሕር ፡ ፍድፋድ ። **ኢያ**
ቄም ፡ ወሐና ፡ ከልኤቱ ፡ አዕማድ ። ብክሙ
ጸንዓ ፡ ዘለዓለም ፡ አሚኒ ፡ **ሥላሴ ፡** ማኅ
ፈድ ። **ኢያንቀልቅልዎ ፡** ለሕንፃሁ ፡ ነፋ
ሳት ፡ አይሁድ ። **ሰላም ፡** ለሥነ ፡ ሰእርት

ከሙ፡ **ዘእግዚአብሔር፡** ፈተዎ ። እስከ
 ፈቀደ ፡ ወአጥብቦ ፡ ውስተ ፡ ሥጋክሙ፡
 ተሠግዎ ። **ኢያቂም ፡ ወሐና ፡** ምክንያተ
 ድኅን ፡ ወተቤዝዎ ። ጽድቅክሙ ፡ ሕይ
 ወተ ፡ ዙሉ ፡ ለሙተትየ ፡ ያሕይዎ ። ወለ
 ጌጋይየ ፡ ከሙ ፡ ሰምዕ ፡ ይምስዎ ። **ሰላም ፡**
 ለአርእስቲክሙ ፡ እለ ፡ አፈድፈዱ ፡ ክብረ
 እምአርእስተ ፡ አርባዕ ፡ እንስሳ ፡ እለ ፡ ይፀ
 ውሩ ፡ መንበረ ። **ኢያቂም ፡ ወሐና ፡** ዘወ
 ለድክሙ ፡ መዓረ ። ያበርህ ፡ ማኅቶትክሙ ፡
 ዓይነ ፡ ልብ ፡ ዕውረ ። ከሙ ፡ አዕይንተ ፡
 ለዕውር ፡ ፈጠረ ። **ሰላም ፡** ለገጸቲክሙ ፡
 ዘአፈድፈዱ ፡ ውዳሴ ። እምስብሐተ ፡ ገጹ ፡
 ለሙሴ ። **ኢያቂም ፡ ወሐና ፡** ትምክህተ ፡
 ኤፍሬም ፡ ወምናሴ ። ለዕበይክሙ ፡ ዘተ
 ሣተፈ ፡ ዕበየ ፡ ቅድስት ፡ **ሥላሴ ።** ይሰግድ ፡
 ፀሐይ ፡ ወይገኒ ፡ ብናሴ ። **ሰላም ፡** ለቀራ
 ንብቲክሙ ፡ እለ ፡ ቀጸባ ፡ ቃለ ፡ ቀዳማዊ
 እምሥጋክሙ ፡ ከሙ ፡ ይትቀባዕ ፡ ሥጋዊ
ኢያቂም ፡ ወሐና ፡ ሱቱፋነ ፡ ሕይወት ፡

ወህላዌ ። ፈውሱኒ ፡ እምሕማምየ ፡ እስመ
 አቀሰለኒ ፡ አርዌ ። ዲበ ፡ ሥጋ ፡ ዙሎሙ ፡
 ሰብእ ፡ ዘፈጠረ ፡ ደዌ ። **ሰላም ፡** ለአዕይ
 ንቲክሙ ፡ ዘአብርሆን ፡ መንፈስ ፡ ቅዱስ ።
 እንተ ፡ ውሳጤሆን ፡ ተርእያ ፡ አዕይንተ
 እግዚእ ፡ **ክርስቶስ ። ኢያቂም ፡ ወሐና ፡**
 ቅብዕ ፡ ቤተ ፡ ክህነት ፡ ወንግሥ ። ያሕ
 ይወኒ ፡ መዓዛክሙ ፡ መፈውሰ ፡ ሥጋ ፡
 ወነፍስ ። እስመ ፡ ቀሰለ ፡ ጌጋይ ፡ መል
 ዓኒ ፡ እስከ ፡ እግር ፡ እምርእስ ። **ሰላም ፡**
 ለአእዛኒክሙ ፡ ምሥጢረ ፡ ፍሥሐ ፡ እለ ፡
 ተበሥራ ። ውስተ ፡ እዝነ ፡ አበው ፡ ቀደ
 ምት ፡ ዘኢተሰምዐ ፡ ግሙራ ። **ኢያቂም ፡**
ወሐና ፡ ኬነውተ ፡ ሐዳስ ፡ ደብተራ ። ባስ
 ልኤል ፡ ወኤልያብ ፡ ዘኢያእመሩ ፡ ነገራ ፡
 በባሕቲትክሙ ፡ ተፈጸመ ፡ ግብራ ። **ሰላም ፡**
 ለመላትሒክሙ ፡ እለ ፡ ፈረያ ፡ አፈወ ።
ማርያም ፡ መዓዛ ፡ መለኮት ፡ ቅድወ ። **ኢያ**
ቂም ፡ ወሐና ፡ ዘትትሚሰሉ ፡ መጸወ ።
 ጽጌክሙ ፡ ሕይወተ ፡ ዙሉ ፡ ሰበ ፡ ለሙ

ታን ፡ ይነወ ። ተንሥአት ፡ ሔዋን ፡ ወአ
 ዳም ፡ ሐይወ ። **ሰላም** ፡ ለአእናፊክሙ ፡
 እለ ፡ ዲቤሆን ፡ ተኃሣ ። ለእመ ፡ መለ
 ኮት ፡ ንጽሕት ፡ መዓዛ ፡ ሥጋሃ ፡ ወነፍሳ።
ኢያቂም ፡ ወሐና ፡ ግበበ ፡ ግሩም ፡ እን
 በሳ ። በሱባኤ ፡ ነቢይ ፡ ዓሥር ፡ ወበተ
 ውሳኮን ፡ ስሳ ። እንተ ፡ ዲቤክሙ ፡ ተሐ
 ትመ ፡ አበሳ ። **ሰላም** ፡ ዕብል ፡ ለከናፍሪ
 ክሙ ፡ ፍሠሐት ። ምሉዓን ፡ ፍጹም ፡ ስብ
 ሐት ። **ኢያቂም ፡ ወሐና ፡** ደቂቀ ፡ ሌዊ ፡
 ወዳዊት ። ዘእምኔክሙ ፡ ይነቅዕ ፡ ክህነት ፡
 ወእምኅቤክሙ ፡ ይትቀዳሕ ፡ መንግሥት ፡
ሰላም ፡ ለአፋክሙ ፡ እንተ ፡ ተመልዓ ፡
 ሰሐቀ ። ብሥራተ ፡ መልአክ ፡ ለክሙ ፡
 ጊዜ ፡ ተጠየቀ ። **ኢያቂም ፡ ወሐና ፡** እንዘ ፡
 ትትጊበሩ ፡ ጽድቀ ። መሀሩኒ ፡ ተግባረ
 ክሙ ፡ ዘያነቅሐኒ ፡ ሕቀ ። እስመ ፡ ዘመ
 ንዩ ፡ በሐኬት ፡ ኃልቀ ። **ሰላም** ፡ ለአስና
 ኒክሙ ፡ ዘበእንተአሆን ፡ ተጸርዓ ። እምስነነ ፡
 አበው ፡ ጽርስ ፡ እለ ፡ በልዑ ፡ ቆዕ ። **ኢያ**

ቂም ፡ ወሐና ዘፈረይክሙ ፡ ምሥዋዕ። በቀ
 ርባንክሙ ፡ መለኮታዊ ፡ እንተ ፡ ተዋሐደ ፡
 ሰብአ ። ተሐትመ ፡ ሞት ፡ ወሰይጣን ፡
 ተሞዕ ። **ሰላም** ፡ ለልሳናቲክሙ ፡ እለ ፡ ይት
 ፈሥሐ ፡ ኅቡረ ። በጽድቀ ፡ **ማርያም** ፡
 እግዝእት ፡ እንተ ፡ አልባቲ ፡ መንጸረ ።
ኢያቂም ፡ ወሐና ፡ ናዕብየክሙ ፡ ወትረ ።
 እስመ ፡ መልዕ ፡ ስብሐቲክሙ ፡ ሰማየ ፡
 ወምድረ ። እስከ ፡ እምልሳንዩ ፡ የኃብዕ ፡
 ነገረ ። **ሰላም** ፡ ለቃላቲክሙ ፡ እለ ፡ ዐርጋ ፡
 ለጸሎት ። ዘኮኖን ፡ ምስማዕ ፡ እዝነ ፡ ጸባ
 ዖት ። **ኢያቂም ፡ ወሐና ፡** አዝማደ ፡ **ማር**
ያም ፡ እግዝእት ። ዘፍናዊሃ ፡ ካልእ ፡ እም
 ፍናወ ፡ ዙሎን ፡ አንሰት ። ገነት ፡ ዕፁት ፡
 ዐዘቅት ፡ ኅትምት ። **ሰላም** ፡ ለእስትንፋ
 ስክሙ ፡ ፍድፋደ ፡ ጥዲና ፡ ወሣህል ።
 እለ ፡ ነፋሳት ፡ አርባዕቱ ፡ እለ ፡ ማዕከል ።
ኢያቂም ፡ ወሐና ፡ መሠረተ ፡ ቅዱስ ፡ ወን
 ጌል ። ዘዘዚአሁ ፡ አርኤያ ፡ ወዘዘዚአሁ ፡
 አምሳል ። በባሕቲትክሙ ፡ ተፈጸመ ፡

ባሕል ። ሰላም ፡ ለጉርዒክሙ ፡ እለ ፡
 ጣዕመ ፡ አስተሐወዛ ። ለንባቦ ፡ ክርስቶስ ፡
 ፍትው ፡ እምነ ፡ ዙሉ ፡ መዓዛ ። ኢያቂም
 ወሐና ፡ ኃዋላው ፡ ሰማይ ፡ ሎዛ ። እንተ ፡
 ወረደ ፡ ዲቤክሙ ፡ ከመ ፡ ይኩን ፡ ቤዛ ።
 አምላክ ፡ ጎሬ ፡ ያዕቆብ ፡ ወሬዛ ። ሰላም ፡
 ለክሣውዲክሙ ፡ እለ ፡ ደኒነ ፡ አርአያ ።
 ለአርዑት ፡ ክቡድ ፡ ከመ ፡ ይትቀነያ ።
 ኢያቂም ፡ ወሐና ፡ በረከተ ፡ ማኅፀን ፡
 ዘልያ ። ለሥነ ፡ ክሣድክሙ ፡ አርማስቆስ ፡
 ግብረ ፡ እደ ፡ ክርስቶስ ፡ ኬንያ ። አልቦን ፡
 አምሳል ፡ ወአልቦን ፡ አርአያ ። ሰላም ፡
 ለመታክፍቲክሙ ፡ እለ ፡ ጸዊረ ፡ ክህላ ።
 መንበረ ፡ ሥጋሃ ፡ ለድንግል ፡ ዘትትሌ
 ዓል ፡ እምሥረገላ ። ኢያቂም ፡ ወሐና ፡
 አዕማደ ፡ ኪዳን ፡ ወመሐላ ። ለዕበይክሙ ፡
 ዕበየ ፡ ፍግዓ ፡ ወተድላ ። ይሰግድ ፡ ፀሐይ ፡
 ወይገኒ ፡ ዕብላ ። ሰላም ፡ ለዘባንክሙ ፡ ዘያ
 ሢንይዋ ፡ ወይቄድሰዋ ። እምዘባነ ፡ ኪሩብ
 ዓይነ ፡ እለ ፡ ተሠርገዋ ። ኢያቂም ፡ ወሐና

አምሳላት ፡ አዳም ፡ ወሐዋ ። ብክሙ ፡
 ፍጥረትነ ፡ እንተ ፡ ተሐደሰ ፡ ነዋ ። ለመ
 ልአከ ፡ ሞት ፡ ድኅረ ፡ ኮነ ፡ ዒዋ ። ሰላም ፡
 ለእንግድዳቲክሙ ፡ አርአያ ፡ ክልኤ ፡ ድን
 ባዝ ። እለ ፡ ይጸውሩ ፡ ታቦተ ፡ ትእዛዝ
 ኢያቂም ፡ ወሐና ፡ አዕፃዳተ ፡ ገነት ፡
 ሐዋዝ ። እስመ ፡ ተረክበ ፡ ዲቤክሙ ፡
 ለኑዛዜ ፡ ዙሉ ፡ ትኩዝ ። ፍሬ ፡ ጥዑም ፡
 ወጽጌ ፡ ምዑዝ ። ሰላም ፡ ለሕፅንክሙ ፡
 ዘኮነ ፡ ምርፋቀ ፡ ውስተ ፡ ሕፀኒሃ ፡ ድኩም
 ለዘአርፈቀት ፡ መብረቀ ። ኢያቂም ፡ ወሐና ፡
 ናፈቅረክሙ ፡ ጥቀ ። እስመ ፡ እምኅቤክሙ
 አእመርነ ፡ ጽድቀ ። ከመ ፡ እምኦሪት ፡
 ኃጢአት ፡ ተዐውቀ ። ሰላም ፡ ለአእዳዊ
 ክሙ ፡ እለ ፡ ተውህቦን ፡ ጸጋ ። ከመ ፡ ይፀራ ፡
 ጥቁ ፡ ጸዋሪት ፡ አምላክ ፡ በሥጋ ። ኢያ
 ቂም ፡ ወሐና ፡ ምሉዓነ ፡ ስብሐት ፡
 እንበለ ፡ ንትጋ ። ጽድቅክሙ ፡ መዐ
 ርገ ፡ ዙሉ ፡ ለሕይወትየ ፡ ያዕርጋ ።
 እስመ ፡ ትንታኔ ፡ ወወዲቅ ፡ ሕጋ ።

ሰላም ፡ ለመዛርዛኝመ ፡ ልዑላን ፡ ዕበይ
 ወዝክር ፡ እመገራዕተ ፡ መሴ ፡ ፅውረ
 በእደ ፡ አርን ፡ ወሐር ፡ **ኢያቂም ፡ ወሐና**
 መናብርተ ፡ ዓባይ ፡ መንበር ፡ ለሰብሐ
 ቲክመ ፡ ዘመልዕልተ ፡ ዙሉ ፡ ነገር ፡
 ይሰግድ ፡ ሰማይ ፡ ወትገኒ ፡ ምድር ፡
ሰላም ፡ ለክርናዓቲክመ ፡ መግዑርተ ፡
 ክርናዕ ፡ ወእድ ፡ ዝርዋተ ፡ ዐሠርቱ ፡ አዕ
 ግድ ፡ **ኢያቂም ፡ ወሐና** ፡ አዕፁቀ ፡ ክልኤ
 አጉናድ ፡ ለአስካልክመ ፡ በዕለተ ፡ ሦሶ
 ፈቃድ ፡ አድለቅለቀት ፡ ምድር ፡ ወኮን ፡
 ረዓድ ፡ **ሰላም** ፡ ለእመታቲክመ ፡ እለ ፡
 አገበራ ፡ ሥርዓተ ፡ ምስለ ፡ ክንፈ ፡ ፪ኤ
 ኪሩብ ፡ እለ ፡ ይጼልሉ ፡ ታቦተ ፡ **ኢያ**
ቂም ፡ ወሐና ፡ ዘወለድክመ ፡ ሕይወተ ፡
 በዕብሬትክመ ፡ መቃብረ ፡ ዓለም ፡ ተከ
 ሥተ ፡ እስከነ ፡ መታን ፡ ተንሥኡ ፡
 ወቦኡ ፡ ገነተ ፡ **ሰላም** ፡ ለእራጋቲክመ
 አምሳላተ ፡ ተቅዋም ፡ ዘወርቅ ፡ ወለእ
 ጸብዒክመ ፡ ካዕበ ፡ አርአያ ፡ ሰብአቱ ፡

አዕጹቅ ፡ **ኢያቂም ፡ ወሐና** ፡ አ ቅዕተ
 ሰላም ፡ ወዕርቅ ፡ ግበሩ ፡ ሰላም ፡ ማዕ
 ከሌየ ፡ ወማዕከሌሃ ፡ ለጽድቅ ፡ እስመ ፡
 አለውክዋ ፡ እምዘመን ፡ ርኅቅ **ሰላም** ፡
 ለአጽፋሪክመ ፡ እለ ፡ ተቀብዐ ፡ ሲራየ
 እምሥነ ፡ መንፈስ ፡ ቅዱስ ፡ ዘአልቦ ፡
 አያየ ፡ **ኢያቂም ፡ ወሐና** ፡ ዘትትሚሰሉ
 ሰማየ ፡ ዘታበርህ ፡ አጽናፈ ፡ ምድር ፡ ወዘ
 ታዋኪ ፡ ቀላየ ፡ እስመ ፡ ወሊድክመ ፡
 አሐተ ፡ ፀሐየ ፡ **ሰላም** ፡ ለአጥባትኪ ፡
 እግዝእትየ ፡ **ሐና** ፡ ሐፃኒተ ፡ ልዑል ፡
 እለ ፡ ሐፀና ፡ ለኪ ፡ ሰብሐት ፡ ወለኪ ፡
 ልዕልና ፡ ለዕበይኪ ፡ አኮ ፡ መጠና ፡
 ዕበየ ፡ ዙሉን ፡ አንሰት ፡ አሐተ ፡ ዘኮና ፡
ሰላም ፡ ለገበዋቲክመ ፡ ከመ ፡ ቀደማ ፡
 ተጥብቦ ፡ ዘፈረያ ፡ ጽድቅ ፡ ዘሐመልማለ
 ወርቅ ፡ ሥርጉተ ፡ ገቦ ፡ **ኢያቂም ፡ ወሐና**
 ምሉዓን ፡ ሰብሐት ፡ እምተናብቦ ፡ አልቦ
 አልቦ ፡ እምነ ፡ ፍጡራን ፡ አልቦ ፡ ከማ
 ክመ ፡ ጸጋ ፡ ዘተውህቦ ፡ **ሰላም** ፡ ለክርሥ

ክሙ ፡ አምሳላተ ፡ ዳቤር ፡ ዘትካት ።
 ማኅደረ ፡ ቅድስት ፡ ታቦት ፡ እንተ ፡
 ውስቴታ ፡ አሪት ። **ኢያቂም ፡ ወሐና ፡**
 ላእካን ፡ ሐዲስ ፡ ሕይወት ። እስመ ፡ ተሐ
 ደስ ፡ ብክሙ ፡ ፍጥረት ። ድኅረ ፡ ፍጥ
 ረተን ፡ አማሰን ፡ ሞት ። **ሰላም ፡** ለአል
 ባቢክሙ ፡ እለ ፡ ኢይትፈለጡ ፡ ግዕዝ ።
 ተዋሕዶቶሙ ፡ ዘመንፈስ ፡ ቅዱስ ፡ አኅዘ
ኢያቂም ፡ ወሐና ፡ ዘትለብሱ ፡ እዘዘ ።
 ቅብዑኒ ፡ ፈውሰ ፡ ትንባሌ ፡ ዘያለስሕ ፡
 ኅምዘ ። እስመ ፡ ልብዩ ፡ በኩናት ፡ ተረ
 ግዘ ። **ሰላም ፡** ለዙልያቲክሙ ፡ እለ ፡ ያነ
 ጽሑ ፡ ወይቂድሱ ። እምዙልያተ ፡ በግዕ
 መሥዋዕት ፡ ዘካህናተ ፡ አሪት ፡ አጤሱ ።
ኢያቂም ፡ ወሐና ፡ ለክርስቶስ ፡ አንቅ
 ዕተ ፡ ነፍሱ ። ርቱዓ ፡ መንፈሰክሙ ፡
 ውስተ ፡ ልብዩ ፡ ሐድሱ ። እስመ ፡ አብ
 ለየኒ ፡ ለዓለም ፡ ርዙሱ ። **ሰላም ፡** ለኅ
 ሊናቲክሙ ፡ ዘኢለከፎን ፡ ግሙራ ።
 ዘኅሊናሆሙ ፡ ጌጋይ ፡ ለአርእስተ

አበው ፡ እሥራ ። **ኢያቂም ፡ ወሐና ፡**
 ተስፋ ፡ አብርሃም ፡ ወሣራ ። ዘተሰባሕ
 ክሙ ፡ በውስተ ፡ ንእስት ፡ ደብተራ ።
 አመ ፡ ተገፍትዓት ፡ ሰዶም ፡ ወውዕየት
 ገሞራ ። **ሰላም ፡** ለአማውቲክሙ ፡ አር
 አያ ፡ ወሣጢት ፡ መካን ። እንተ ፡ ትሰ
 መይ ፡ ቅድስተ ፡ ቅዱሳን ። **ኢያቂም ፡**
ወሐና ፡ አዕፁቀ ፡ አበው ፡ ጸድቃን ።
 እምሥረዊክሙ ፡ ጊዜ ፡ ተቀስመ ፡ ቍር
 ባን ። ሙታን ፡ ተንሥኡ ፡ ወሞተ ፡ ሰይ
 ጣን ። **ሰላም ፡** ለንዋየ ፡ ውስጥክሙ ፡ ዘኮነ
 መንጸፈ ። ለታቦተ ፡ ባሕርይ ፡ ንጽሕት ፡
 እንተ ፡ ትፀውር ፡ መጽሐፈ ። **ኢያቂም ፡**
ወሐና ፡ ናዐብዩክሙ ፡ ዘልፈ ። ብዝኃ
 ዕበይክሙ ፡ እምዕባየ ፡ ዙሉ ፡ ዘተርፈ ።
 ኅሊና ፡ ያፀብስ ፡ ወያደክም ፡ አፈ ። **ሰላም ፡**
 ለሕንብርትክሙ ፡ ማዕከለ ፡ አእጋር ፡
 ወርእስ ። ማኅተመ ፡ ትእምርት ፡ ዘቦቱ
 እንተ ፡ ይሂሉ ፡ በከርሥ ። **ኢያቂም ፡ ወሐና ፡**
 አናቅጸ ፡ ዘመን ፡ ሐዲስ ። ዘተኪሥቱ ፡

እምሳቢክመ : ለውሉደ : ሥጋ : ወነፍስ
አብ : **ወወልድ** : **ወመንፈስ** : **ቅዱስ** ።
ሰላም : ለማሳፀንኪ : ዘመጠነ : ግብሩ :
 ፍሉጥ ። እማሳፀነ : ሣራ : ወርብቃ :
 ወኤልሣቤጥ ። እግዝእትዮ : **ሐና** : ቅድ
 ስተ : አፍአ : ወውስጥ ። አድሳንኒ : እም
 ኃጢአት : እንተ : ላዕለ : ዙሉ : ሥሉጥ ።
 እምድምሳቤሃ : ለሰዶም : ከመ : ድሃነ
 ሎጥ ። **ሰላም** ለሐቋክመ : እለ : ጎቡረ
 ተዐሥሩ ። በሐብለ : ሰብሳብ : ጽኑዕ :
 እንተ : ኢይትፈታሕ : ቀፅሩ ። **ኢያቂም** :
ወሐና : ደባትረ : ቃላት : ዓሥሩ ። እስከ
 ለዓለም : ዘኢይትረግዕ : ዝክሩ ። ምሕ
 ረተ : ወፍትሐ : ምስሌየ : ግበሩ ። **ሰላም**
 ለአቀዳጺክመ : እለ : በጸጋ : ተልዕሉ ።
 እምነ : ነፋሳት : አርባዕ : ዘሰማያተ :
 ሰቀሉ ። ኢያቂም : ወሐና : አጋእዝተ :
 ፍጥረት : ዙሉ ። ሰብሐት : ወክብር :
 ለዕበይክመ : ይደሉ ። እምአፈ : ዙሉ
 ፍጥረት : ዘታሕቱ : ወላዕሉ ። **ሰላም** ።

ለአብራኪክመ : ዕረተ : ሰጊድ : ዘተጸ
 ገዋ ። **ማርያም** : ፍካሬ : ሰማ : ለሐዋ ።
 ኢያቂም : ወሐና : ኃይለ : መያጢሆመ
 ለሕዝበ : ዌዋ ። ለአብራኪክመ : አምኃ
 ሰጊድ : ያእትዋ ። አብራክ : ዕዑራን :
 ሰብእ : እምድካም : ሐይዋ ። ሰላም
 ለአእጋሪክመ : አርአያ : አርባዕ : ጽብን ።
 እመንቱ : አእጋሪሃ : ለታቦተ : አሪት :
 ኪዳን ። **ኢያቂም** : **ወሐና** : አናቅጸ :
 ሐዲስ : ዘመን ። ኩኑኒ : ቅጽረ : እም
 ጸላእትዮ : ብዙኃ : ጉሕለት : ወሚን ።
 ከመ : መዝገብየ : አይሰረቅ : በኪን ።
ሰላም : ለሰኳንዊክመ : እለ : ግመራ
 ኢድሃዓ ። እምፍንዋተ : ቃላት : ዓሥር
 ዘአእዳወ : አምላክ : ቀረዓ ። **ኢያቂም** :
ወሐና : ብዙኃ : ጊሩትነ : እምነ : ጥዓ ።
 ምልሐ : ኃጢአተ : ወጸሕይዩ : ዐመዓ ።
 እስመ : በልብየ : ከመ : ሣእር : ሠረዓ ።
ሰላም : ለመከደክመ : እንበለ : ነቀል
 ቃል : ዘጸንዐ ። በፍኖተ : ሥርዓት :

ወሕግ : ዘእእዳወ : መጽሐፍ : ቀጽዐ ።
ኢያቂም : ወሐና : ዘፈረይክሙ : ስንዐ ።
 ውኒዘ : ሰላም : እምኔክሙ : ዘነቅዐ ።
 ለእሳተ : ሐከክ : ንደቶ : አጥፍዐ ።
ሰላም : ለአጸብዒክሙ : ለጉንደ : መከ
 የድ : አዕጹቁ ። ወለአጽፋሪክሙ : ጽጌ
 እለ : ኅቡረ : ተላጸቁ ። **ኢያቂም : ወሐና :**
 መገብተ : ጽድቁ ። መጽውቱኒ : ንዋየ :
 ጽድቅ : ወአብዕሉኒ : በሕቁ ። እስመ :
 ንዋይየ : ኃያላን : ሠረቁ ። **ሰላም :** ለቆ
 ምክሙ : አዕዋመ : ገነት : ኅሬ ። እንተ :
 ያርክሙ : ፈጣሬ ። **ኢያቂም : ወሐና :**
 ሠናያነ : ትድምርት : ወኑባሬ ። አብሐኒ
 አጋእዝትየ : እስመ : እፈቱ : ኑባሬ ።
 ታሕተ : ጽላሎትክሙ : ሐመልማል :
 ዘአልቦ : ኑባሬ ። **ሰላም :** ለመልክአቲ
 ክሙ : በኪነ : ሰብሳብ : ዘተዋደዱ ።
 እንዘ : አሐዱ : አንትሙ : ወእንዘ : ክል
 ኤቱ : አሐዱ ። **ኢያቂም : ወሐና :** ለአ
 ምላክ : ሰማይ : አዝማዱ ። ቤተ : ነፍ

ሳቲክሙ : ከመ : ነፍሰየ : ትሰዱ ።
 በጊዜ : ሞትየ : እምሰማይ : ረዱ ።
ሰላም : ለነፍሳቲክሙ : እለ : እምሥጋ
 ፈለሳ ። ከመ : በሰማያት : ይንግሣ ።
ኢያቂም : ወሐና : ብርሃናት : ዘደወለ :
 ምሕሳ ። በረከተ : ሥጋክሙ : ወነፍሰ
 ክሙ : ዘኢይበጽሐ : ኅሠሣ ። ለነፍሰ :
 ዚአየ : አንብሩ : በርእሳ ። **ሰላም :** ለአ
 ብድንቲክሙ : እለ : ተዘርዑ : ከመ :
 ሥርናይ ። ቀዳምያተ : እክል : ይዕርፉ
 አመ : ዕለተ : ማዕረር : ዓባይ ። **ኢያ**
ቂም : ወሐና : አዕማደ : ሐዲስ : ሰማይ ።
 ለእለ : አዖሮሙ : ወደፈኖሙ : ጌጋይ ።
 ዘእምኔክሙ : ሠረቀ : ፀሐይ ። **ሰላም :**
 ለግንዘትክሙ : በልብሰ : ገርዜን : ቅድሙ
 ከመ : ሥርዓቶሙ : ወሕጎሙ : ለአብድ
 ንተ : ቀደምት : አበው ። **ኢያቂም :**
ወሐና : አብያተ : አፈው ። ይምጽአኒ :
 እምኅቤክሙ : ኑዛዜ : ፍትው ። እስመ
 ፈድፈደ : በልብየ : ሰቆቃው : ህልው ።

ሰላም ፡ ዕብል ፡ ለመቃብሪክሙ ፡ ካዕበ ።
 ንዋየ ፡ አፅምክሙ ፡ ባሕርይ ፡ እንተ ፡
 በውስቴቱ ፡ ተዘግበ ። **ኢያቂም ፡ ወሐና ፡**
 ዘፈረይክሙ ፡ ጥበበ ። ጥበብሰ ፡ ኢያሰተ
 ምህር ፡ ሐሳበ ። በሰማይ ፡ እመ ፡ ወበ
 ምድር ፡ አበ ። **ናህ ፡** አብጸሕኩ ፡ ውዳ
 ሴክሙ ፡ ጥንቁቀ ። አምጣነ ፡ ልብዩ ፡
 ጽሕቀ ። **ኢያቂም ፡ ወሐና ፡** እንዘ ፡
 ትትፌሥሐ ፡ ሕቀ ። ስቅዩኒ ፡ ህየንተ ፡
 አሰብ ፡ በረከተክሙ ፡ ጽድቀ ። ዘያረዌ
 ሥርወ ፡ ወያጠልል ፡ አጽቀ ። **አ ፡ አም**
ላከ ፡ ኢያቂም ፡ ወሐና ፡ ዕቀበኒ ፡ ወአ
 ድኅነኒ ፡ እመከራ ፡ ሥራ ፡ ወነፍስ ፡
 ለ..... ወለኹልነ ፡ ውሉደ ፡ ጥምቀት
 ለዓለመ ፡ ዓለም ፡ አሚን ።

አምላካችን ፡ ሆይ ፡ የሰላም ፡ ንጉሥ ፡ እንደ
 መሆንህ ፡ ሁሉ ፡ ሰላምህን ፡ ትሰጠን ፡ ዘንድ
 እንለምንሃለን ። ሁሉን ፡ ሰጥተኸናልና ፡ አቤቱ
 ፍጹም ፡ ወገኖቻህ ፡ አድርገን ፡ እንጂ ፡ ገለል
 ተኞች ፡ አታድርጥን ፡ አቤቱ ፡ ለሀገራችን ፡ ለኢ
 ትዮጵያ ፡ ሃይማኖትን ፡ በማያሰለውጥ ፡ እንደ
 ነትን ፡ በማያናውጥ ፡ ሁኔታ ፡ የሰልጣኔን
 በር ፡ ክፈትላት ፡ አቤቱ ፡ ቅዱስ ፡ ስምህን
 እንጠራለንና ፡ ከፍ ፡ ከፍ ፡ አድርገን ፡ እንጂ
 ከክብር ፡ አታሳንሰን ። ዘመን ፡ የማይለውጠ
 ውን ፡ ጊዜ ፡ የማይሸረውን ፡ ሰላምህን ፡ በሁ
 ላችን ፡ ልቡና ፡ ቅረጽ ። አቤቱ ፡ እንደ ፡ በደላ
 ችን ፡ ሳይሆን ፡ እንደቸርነትህ ፡ ይቅርታህ
 ይደረግልን ፡ በዚህ ፡ መጽሐፈ ፡ ጸሎት ፡ የጸ
 ለይነውን ፡ ጸሎት ፡ ውስተ ፡ ኑሯ ፡ ሰማይ
 አሳርግልን ፡ ሰላምህንም ፡ አብዛልን ፡ ለዘላ
 ዓለሙ ፡ አሚን ።

ጸሎት ፡ በእንተ ፡ ሀገር ።

እመቤታችን ፡ ድንግል ፡ ማርያም ፡ ሆይ
እኛን ፡ ወገኖቹን ፡ ከፍዳና ፡ ከመርገም ፡
ለማዳን ፡ አካላዊ ፡ ቃል ፡ ኢየሱስ ፡ ክር
ስቶስ ፡ ከሥጋሽ ፡ ሥጋ ፡ ከነፍሰሽ ፡ ነፍስ
ነሥቶ ፡ ሰው ፡ ሆነ ፤ በሆነም ፡ ጊዜ ፡
ሄሮድስ ፡ የመንግሥቱ ፡ ተቀናቃኝ ፡ ተነ
ሣብኝ ፡ በማለት ፡ ሊገድለው ፡ በተነሣ
በት ፡ ወቅት ፡ በሰደት ፡ ወደ ፡ ኢትዮ
ጵያ ፡ መጥተሽ ፡ ከምሥራቅ ፡ ወደ ፡
ምዕራብ ፡ ከሰሜን ፡ ወደ ፡ ደቡብ ፡ በም
ትዘዋወሩበት ፡ ጊዜ ፡ የኢትዮጵያ ፡ ሕዝብ
መልካም ፡ አቀባበል ፡ እንዳደረገልሽና ፡
በዚህም ፡ የተነሣ ፡ ኢትዮጵያን ፡ ዓሥራት
አድርጎ ፡ እንደሰጠሽ ፡ እንገነዘባለን ፤
ተስፋችንም ፡ በአንቺ ፡ ላይ ፡ እጅግ ፡
የጸና ፡ ነው ፤ ስለሆነም ፡ አገራችን ፡ ኢት
ዮጵያን ፡ በሰላምና ፡ በበረከት ፡ እንዲጠ
ብቃት ፡ እኛን ፡ ወገኖቻችንም ፡ ከረሃብ
ከበሽታ ፡ ከጦርነት ፡ እንዲሠውረን ፡
ሰአሊ ፡ ለነ ፡ ቅድስት ፡ እያልን ፡ የምና
ሳስብሽን ፡ ማሳሰብ ፡ ወደ ፡ ልጅሽ ፡ አሳ
ስቢልን ፡ ለዘለዓለሙ ፡ አሜን ።



Brought to you
by

www.binyamhk.com

wordpress.com